

# Bibel fa Kjinja

brinjt junt

## Samuel, Een Jung dee Gott deend




Jeschräwen von: Edward Hughes  
Jemolt von: Janie Forest; Alastair Paterson  
Toom Pauss jestalt von: Lyn Doerksen  
Äwasat von: Ed Zacharias  
Häajestalt von: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.

De Fru, Hana, un äa Maun, Elkana wieren goode  
Menschen. See jleewden aun Gott un wieren äare  
Nobasch goot. Oba Hana fäld daut, daut see kjeen  
Bäbe haud. See luad, un  
see bäd un hopt, un luad  
noch mea. Doa wieren  
kjeene Kjinja.





Jieda Joa jinkj Hana nom Vesaumlungs-zelt toom aunbäden. Eenmol vespruak see Gott, daut wan see kunn een Bäbe haben wudd see am loten opp emma Gott deenen.

3



De oola Priesta Eli sach Hana bäden. Hee docht see wia besopen wiels ääre Leppen rieden, oba see säd nuscht. Eli schull Hana.

4



Oba Hana säd Eli daut see fa een Sän jebät haud un waut see vesproaken haud. Dan säd Eli, "Go en Fräd. Mucht Israel äa Gott die daut jäwen om waut du jebät hast." Nu haud Hana Hopninj.

5



Nu kunn Hana sikj freien; un met de Tiet hauden see eenen Sän. See jeef am dän Nomen Samuel, wiels, soo säd see, ekj hab däm Harn doano jefroacht. Wudd Hana emdenkj hoolen waut see Gott vesproaken haud?

6



Daut näakjste Joa jinkj Hana nich nom Vesaumlungs-zelt. Haud see äa Vesprääkjen vejäten? Nä, Hana wull wachten bat Samuel groot jenuach wia toom em Vesaumlungs-zelt wonen, un Eli halpen Gott deenen. Dan brocht see am doahan.

7



Gott ieed Hana daut see soo tru wia. Gott jeef Hana noch dree Junges un twee Mejales. Jieda Joa jinkj Hana no daut Vesaumlungs-zelt toom Gott aunbäden - un Samuel een nieet Hamd bringjen.

8



Doa wieren noch aundre waut Eli helpen. Hee haud twee Säns, Hofni un Pinhas, waut doa schauften. See deeden schlaachte Dinja waut nich em Tempel jehieeden. Eli prachad an see sullen bätä doonen, oba see horchten nich. De Lied wisten daut daut orrajcht wia.

9



Eene Nacht hieed Samuel eene Stemm am roopen. Hee docht daut wia Eli, un hee jinkj no am un säd, "Hia sie ekj." "Ekj hab die nich jeroopt," säd Eli. Dit passieed dree mol. Dan wist Eli daut Gott Samuel roopt.

10



Eli säd, "Wan hee wada roopt dan saj, 'Räd Har, dien Deena horcht.'" Un Gott roopt noch wada un jeef Samuel eene wichtje Norecht.

11




Zemorjes roopt Eli Samuel. Hee wull weeten waut de Har am jesajcht haud. Samuel säd am aules, wan daut uk waut schwoaret wia. Gott wudd Eli un siene Famielje ombrinjen wäajen Hofni un Pinhas soo schlaacht wieren.

12



Waut Gott jesajcht haud, kjeem soo. En eenen Kjrigh met de Filista, druagen Hofni un Pinhas Gott siene Kjist met de Israelitische Soldoten. De Fient neem de Kjist, un muaken Hofni un Pinhas doot, un väl Soldoten. Aus Eli daut hieed, waut jeworden wia, foll hee von siene Benkj, bruak sien Jenekj un storf dän Dach.

13



Gott siene Kjist brocht Trubbel fa de Filista. See saden dee bie äaren Jetzen, Dagon. Dän nääkjsten Morjen wia de Dagon Jetzen opp sien Jesecht jefollen. De Filista hoowen am opp, oba de nääkjste Nacht foll dee wada un bruak en Stekja.

14



Nu kjeem doa Krankheit un Doodes mank de Filista. See wullen seenen auf Gott an stroft. See saden de Kjist opp een Woagen un spaunden twee Kjieej veropp. See hilden de Kjalwa. "Wan de Kjieej no Israel gonen un de Kjalwa hinjen loten, dan weet wie daut Gott dit jedonen haft," säden see. De Kjieej jinjen.

15



Samuel wia nu oppjewossen, un hee säd de Israeliten, "Wan jie met jun gaunset Hoat trigj no däm Harn komen ... dan woat hee junt ut de Filista äare Macht raden." De Menschen jehorchten am, un Har hilt de Filista trigj en Samuel siene Tiet.

16

Samuel, Een Jung dee Gott deend


Eene Jeschicht von en daut Wuat Gottes, de Bibel

finjt eena en

1.Samuel 1-7

"Wan dien Wuat openboat woat, jeft daut Licht." Psalm 119:130

17



17



60

18

Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmell! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du wascht opp emma met am läwen.

Wan du dit jleewen kaust, dan saj to Gott: Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

19